



МЕСЯЦ ОКТЯБРЬ В 21-Й ДЕНЬ

Преподобнаго отца нашего Илариона Великаго

На Господи, воззвах: стихиры на 6, глас 4.

Подобен: Званный свыше:

Кроток душею и сердцем, / егда ты Божественное рачение уязви / и священными восхождением отлучитися мирских смущений покорй, / тогда вооружився силою Креста, / на демоны устремился еси, всеблаженне, борением / и сплел еси победы диадиму. / И ныне водворяешься во светлостех святых, / с нимиже и нам испроси просвещение, и мир, и согрешений избавление.

Светодательными зарями / преславно, отче достославне, исцелений твоих / просвещаяши подсолнечную, / недугов разрешаяй тьму глубочайшую, / тем ты солнце иное познаваем / и монашествующих утверждение, / и наставника спасаемых Божественным Духом. / И ныне память совершаем твою светлую и спасительную, Иларионе, / прегрешений тобою разрешение приемлюще.

Воздержанием телесных страсти, отче, / покорил еси разумному души / и, безстрастия крылы украшен, / благодать приял еси целити, преподобне, человеков немощи, / и отгонити духов лукавствия, / и спасати притекающия к тебе. / Темже лица ты блажат монашествующих, достославне, / и почитает вся тварь, Иларионе, подвиги твоя.

Слава, глас 2. Анатолия:

От юности твоя нося совершенства мудрость, / возложив на себе, Иларионе, иго Христова / и житию поревновал еси Божественнаго Антония, / равными мерами добродетели подобяся, / изсушил еси плоть, скачущу, аки жребя, / яко должно бе души покорити, / постное течение совершив. / Но, о блаженнейше отче и чудодейственне Богоносе, / память твою любовью совершающим / проси очищения и велия милости.

И ныне, Богородичен или Крестобогородичен.

Подобен: Егда от Древа:

Древу Крестному Тя, Иисусе, пригвождена зрящи, / Неискусобрачная, плачущи, глаголаше: / Чадо Сладкое, почто оставил еси Мене, рождшую Тя, едину, / Свете неприступный Пребезначальнаго Отца, / потщися и прославися, яко да славу получат Божественную, / иже Божественныя страсти Твоя славыиши.

На стиховне Октоиха.

Слава, глас 8. Самогласен:

Духа Святаго исполнен быв преподобный Иларион, / демонския козни упразднил, / крестом бо вооружився и в нем дерзая, / вся недуги словом исцели, / душевныя убо страсти, / телес же всякую язю. / Того молитвами, Христе, / низпосли нам мир яко Человеколюбец.

И ныне, Богородичен или Крестобогородичен.

Подобен: О преславнаго чудесе:

Юница Нескверная, / Юнца видящи на Древе пригвождаема волею, / рыдаючи жалостне: / увь Мне, вопияше, любимейшее Чадо, / что Ти сонм воздаде безблагодатный еврейский, / хотя Мя обезчадствовати от Тебе, Вселюбезне.

Тропарь, глас 8:

Слез твоих теченьми пустыни бесплодное возделал еси / и, иже из глубины въздыханьми, во сто трудов у плодоносил еси, / и был еси светильник вселенней, сияя чудесы, / Иларионе, отче наш: / моли Христа Бога спастися душам нашим.

Слава, ин тропарь, глас 8:

Яко иноков утверждение, наставник же граждан пустынных, / и чудотворец благодатию Вели-

кому Антонию подбояся, / помощник в страстех
бедствующим неотступен, Иларионе отче наш, /
моли за чтущия святую память твою.

И ныне,
Богородичен или Крестобогородичен.

НА УТРЕНИ

Оба канона Октоиха, без мученичнов, и святого на 6, егоже
краегранесие: Светлость пою, всеблаженне, твоих чудес.

Феофаново. Глас 2

Песнь 1

Ирмос: Во глубинѣ постла иногда / фараонитское все-
воинство Преоруженная Сила, / Воплощенное же Слово
всезлобный грех потребило есть, / препрославленный
Господь славно бо прославися.

Светоносное и световидное житие твое,
блаженне, / прерадостно благохвалити
усердствующа, / твоя светлости тихостию просвети
мя, молюся, / и греха, отче, уныние отжени.

Всенравно, блаженне, к Богу, радуясь, при-
ступил еси, / вне плоти и мира быв, / и ум
немутен, утвержден воздержанием, соблюл еси, /
Божественным безстрастием отсюду присвоаяся.

Светлыми ты зарями просвещаемь Безначаль-
наго и Несозданнаго Божества, / отча небрегл
еси зловерия / и многомятежнаго невежества то-
го отвратився, / Единой Троице сочетался еси.

Богородичен:

Возсиявый Солнце из Тебе, Мати Прис-
нодево, / из Отца прежде век Невидимый, / и
видимым же преславно описуемь телом, / благоче-
стия светом человеки просветил есть.

Песнь 3

Ирмос: На камени мя веры утвердив, / расширил еси
уста моя на враги моя, / возвеселибоя дух мой, внемгда
пети: / несть свят, якоже Бог наш, / и несть праведен паче
Тебе, Господи.

Ядовитых страстей востания, / лечбою постни-
чества обложен, / иссушил еси, приснопамятне,
взывая: / несть свят, якоже Бог наш, / и несть
праведен паче Тебе, Господи.

Кожные мертвенныя ризы острогав ножем
воздержания, / исткал еси ризу спасения, / вопий
Творцу твоему: / Ты еси Бог наш, / и несть свят
паче Тебе, Господи.

Укрепляемъ надежду вечных / и Богу приводимъ, Богоносе, дланьми Богомудраго Антония, / егоже подражая, светильник был еси, / преславными чудесы светяся, преподобне.

Богородичен:

Иже вся вообразивый хотением Божественным, / в человека вообразитися сподобися, / созидаеся во утробе Твоей, Богородице. / Емуже ныне зовем: / Ты еси Бог наш, / и несть праведен, паче Тебе, Господи.

Седален, глас 8.

Подобен: Премудрости:

Антония Божественнаго духовне добродетельному житию поревновав, / на рамена твоя взял еси крест Господа твоего, / оставив жития все попечение / и страсти умертвив, духом пожил еси. / Тем и тварь преславными исполнил еси чудесы, преподобне, / Духа благодатию, Иларионе, отче наш, / моли Христа Бога грехов оставление даровати / чтущим любовь святую память твою.

Слава, и ныне, Богородичен:

Яко Деву и Едину в женах / Тя, без семене Рождшую Бога плотию, / вси ублажаем роди человечести, / огонь бо вселся в Тя Божества / и яко Младенца дойши Зиждителя и Господа. / Тем Ангельский и человеческий род / достойно славим пресвятое Рождество Твое и согласно вопием Ти: / моли Христа Бога прегрешений оставление даровати / поклоняющимся верою пресвятому Рождеству Твоему.

Крестобогородичен:

Агнца, и Пастыря, и Избавителя / Агница зрящи на Кресте, восклицаше, / плачущи и горько рыдаючи, вопияше: / мир убо радуется, приемля Тобою избавление, / утроба же Моя горит, зрящи Твое распятие, / еже терпиши за милосердие милости, / Долготерпеливе Господи, милости бездно и источниче неисчерпаемый, / умилисердися и даруй согрешений оставление / верою поющим Божественныя страсти Твоя.

Песнь 4

Ирмос: Пою Тя, слухом бо, Господи, услышах и ужасохся, / до мене бо идеши, мене ищя, заблуждшаго. / Тем многое Твое снизхождение, еже на мя, / прославляю, Многомилостиве.

Умертвѣвъ плоти мудрованіе, / поток беззаконія мятѣжи, преподобне, и демонских кóзней избежáv, / к тихости Божественнаго Духа / с праведными, отче, воспочѣл еси.

Водными слез теченіи напаяемъ, преподобне, / душевную нѣву многоплодну дѣланием ѡве Спасовым, отче, показал еси, / постников умножив составленія.

Причастіем Святаго Духа укрепляемъ, Богоносѣ, / лукавствія дѹхи низложѣл еси / и силу Христовою немощныя исцеляеши, / пророческою обогатѣвся чистотою.

Богородичен:

Храм Тя и Чертог одушевлѣнный, / и мысленную трапѣзу, и светильник, Богомати Благословенная, разумѣем, / из Неяже сущим во тьме Свет возсія, / Отча Существова Сіяние.

Песнь 5

Ирмос: Просвещение во тьме лежащих, / спасение отчаянных, Христе Спасе мой, / к Тебе утренюю, Царю мира, / просветѣ мя сияніем Твоим: / иного бо, разве Тебе, бога не знаю.

Яко молнія, чистотою житія и жительствою безплотным подобяся, просияв в мире, / тьмы предстателя отгониши, Богоблаженне, / благочестія светом просвещаемъ.

Всяческими светяся, Богомудре, чудодействы / и благодатию Божественною озарѣн, / всем познался еси сокровище исцелений любящим, / отче Богоприятне, / яко другій некий пророк Божій познаваемъ.

Свѣтлостію твоих, отче, кратких исправленій / мрачныя вражія силы прогнал еси, / и от тех ярости исхитѣв к тебе прибегающія, Божественными твоими учении / к вере просветѣл еси.

Богородичен:

Едину нам во дву существу видимую Ипостась, Едина Благословенная, / родила еси неиз-

реченно Божия Бога Слова, / воплощшася за милость неизглаболанную. / Сего ўбо моли сохрани ти поюция Тя.

Песнь 6

Ирмос: В бѣдне греховней валяяся, / неизслѣдную милосердія Твоего призываю бѣзду: / от тли, Боже, мя возведи.

Единоначалию служá Божества Безначальнаго, / многоначалие обличил еси, / идольское нечестіе упразднил, Богомудре, благодатию.

Прозѣб, отче, / яко финикс процвел еси в Церкви, всеблаженне Богомудре, / плодѡв сладостию верных возвеселя исполнение.

Низложитель явился еси непобѣдимъ лукавых духѡв, всеславне, / богатотворная дарования от Христа получив, блаженне.

Богородичен:

Неискусомужно, Дево, родила еси и вѣчнуеши Дева, / являющи Истиннаго Божества, Сына и Бога Твоего, образы.

Кондак, глас 3.

Подобен: Дева днесь:

Яко светильника незаходимаго умнаго тя Солнца, / сошедшеся днесь, восхваляем в песнях, / возсиял бо еси сущим во тьме неведения, / вся возводя к Божественней высотѣ, Иларионе. / Темже вопием: / радуйся, отче, всех по́стников основание.

Икос:

Возлюбив Христовы Божественныя заповеди / и возненавидев всего мира наслаждение, / пришел еси усердно к Тому / и был еси светильник, просвещающа вся концы блистанием Духа. / Тем, припадающа, молю тя: / просвети и моя очи душевныя, воспѣти твоя подвиги, / яже показал еси на земли ради будущия жизни. / Еяже ныне наслаждающа, поминай вопиющих ти: / радуйся, отче, всех по́стников основание.

Песнь 7

Ирмос: Богопротѣвное веление беззаконнующаго мучителя / высѡк пламень вознесло есть, / Христос же

простре́ Богочестивым отроко́м рóсу духовную, / Сый благословен и препрославлен.

Глагол вещание твое и чудес благодать Божественная / во всю изыде землю, всеблаженне, / Богочестия зарею всем сияя верно исцелений тишину́.

Крестом ограждаемь Спасовым, неврежден пребыл еси, / безумно окусившуся дѣмонскому свирѣпству о тебе, всемудре, / весть бо Вышний Бог соблюдати Своя угодники.

Яко столп непоколеблен небесовысокий, / яко стена́ неподвижима, явился еси постом, / просвещая чудесы́ и да́я исцеления, / и источая́ Божественныя догматы́ от источника́ приснотеку́ща Богодуховенных Писаний.

Богородичен:

Облак Дева Тя, правды Солнце, роди́ и Дева пребывши, / дебельству́ плоти приобщившася, Человека бывша за благоутробие и снисхождение: / Егоже воспеваем, яко препрославлена.

Песнь 8

Ирмос: Пещь иногда́ огненная в Вавилоне дѣйства разделяше, / Божиим велением халдѣи опаляющая, / верныя же орошающая, поющая: / благословите вся дела Господня Господа.

Престол истинно чувствия был еси, / Божественным разумом просвещаемь / и Божиим повелением Богомудренно наставляемь, / и добродетелию светя́ся, зовый: / благословите вся дела Господня Господа.

Колесница таинственная, носящая Имя Господне, явился еси, преподобне, / светлостию дел и чудес явлением, / и чистотою жития́, зывая: / благословите вся дела Господня Господа.

Сыноположен Божественною благодатию, снаследник Христов был еси / и богатство Небесное, и Царство непреѣмное приял еси, Богоглаголивѣ, зовя: / благословите вся дела Господня Господа.

Богородичен:

Міро умное истощенное, Дево, именуема Сына чревоноси́ла еси, / курением Божества земныя

благовѣнствующа / и от тли избавляющаго
взывающа: / благословите вся дела Господня
Господа.

Песнь 9

Ирмос: Безначальна Родителя Сын, Бог и Господь, /
воплощся от Девы, нам явися, / омраченна просветити,
собрати расточенна. / Тем Всепетую Богородицу велича-
ем.

Святых жилища проходити сподобился еси,
житиё совершив свято, преподобне, / и, яко сущу
праведну, тебе Трисветлый возсия Свет, / и Того
сопруг веселие приише.

Трудов воздаяние от Христа прием и жизни
вечныя яве причастився, / и паче ума благолепия
добротами, отче, преизяществован, / о поющих тя
ко Владыце молися.

Яко кедр высоковерхий добродетелию
возвышаемъ, / во дворех, Богоносе, Божиих на-
сажден был еси, / и яко заключен оград, яко
благоцветый рай явился еси, / и яко источник
кипящий исцелений дарования.

Богородичен:

Чертог была еси паче ума Воплотившагося
Слова, Дево Богородительнице, / одяна славою
добродетелей и украшена, / тем Тя, Всенепороч-
ная, Богородицу возвещаем.

Светилен.

Подобен: Жены, услышите:

Мирскаго пристрастия, яко страстна, укло-
нился еси / и, безпощием плоть увядив, обновля-
еши броды держащих / и славою обогатился еси,
чудодействуя изрядная, / пастыреначальников
верх, Богоприятне Иларионе.

Богородичен:

Во двух хотениях и естествах,
Всенепорочная, / Единой же Ипостаси раждаеши
Бога неизреченно, / нас ради обнищавшаго до
Креста хотением / и даровавшаго нам Божества
богатство, Богомати Дево.

На стиховне Октоиха.

Слава, глас 2. Самогласен:

Тихое твое, отче, и чистое житиё видево Хри-
стос, кроткое и молчаливое, / обитель сотвори в
тебе, и был еси жилище Божественное, / и сего

ради со Ангелы на Небесех водворяешься, блаженне.

И ныне, Богородичен или Крестобогородичен.

Подобен: Егда от Древа:

Егда Несквѣрная Агница виде Своего Агнца, / на заколѣние, яко человека, волею влекѡма, плачуши, глаголаше: / безчѣдствовати Мя ныне тщишися, Христе, Рождшую Тя, / что сие сотворил еси, Избавителю всяческих, / обаче воспеваю и славлю Твою, юже паче ума и слова, крайнюю благодать, Человеколюбче.

На Литургии: Блаженна Октоиха на 4 и святаго песнь 3, на 4. Прокимен, глас 7: Честна пред Господем смерть преподобных Его. Стих: Что воздам Господеву о всех, яже воздаде ми: Апостол к Коринфяном, зачало 188. Аллилуия, глас 6: Блажен муж, бояйся Господа: Евангелие от Луки, зачало 24. Причастен: В память вечную будет праведник:



В
ТОЙЖЕ
ДЕНЬ

Святителя Илариона, епископа Меглинскаго

ВЕЧЕР

Блажен муж: Стихиры, глас 2:

Кѣими похвѣльными венцы / ныне составим ликованіе / в честнѣм прѣзднице твоего пренесения, иерарше, / духовно празднующе, молимся: / молимся православному воинству победительная на враги даровати, / тебе бо тепла молитвенника ко Владыце стяжѣхом, / подающаго миру велию милость.

Кѣими похвальными добротами / воспойм во архиереех славнаго и в вере великаго, / и в пеленѣх доброразсуднаго, / во учении язѣка сладкаго / учением Церковь обогѣща святителя Илариона, / егоже венцы венчает Христос Бог наш, / имей велию милость.

Кѣими духовными пѣснями / воспойм архиерея, / учением к Богоразумию всех настѣвльшаго, / источника чудес пречудна, / Церкви светильника пресветлаго / и учителя премудра Меглинскія земли / и всея Россійскія прекрасное удобреніе, / егоже ради Христос врагов шатаніе низложѣ, / имей велию милость.

Слава, глас 6:

Архиереев похвалу́, / священников всех
украшение, / к Богу молитвенника
непрестаннаго, / источника чудес преизобильна /
днесь, любовь сошедшея, Меглѣнстии
наро́ди, / иерарха Илариона похва́лим, / честны́я
мощи обстояще, / благодарныя гла́сы тому прино-
сим, глаголюще: / радуйся, архиерее Иларионе,
свѣтильниче свѣтлый, / озари́ изрядное достояние
твое, православныя люди, / о нихже непрестан-
но Христу моли́ся мирно жити́е дарова́ти, / да вси
честно́е твое пренесение любовью почитаем и
молимся: / моли спаст́ся душамъ нашим.

И ныне, Богородичен: Кто Тебе не ублажит: Вход.
Прокимен дне. Чтения три (зри страницы 135—138)

На стиховне стихиры, глас 2. Самогласны:

Христово стадо словесных овец / на злѣце
благочестия дѣбре упасл еси, иерарше, / темже и
по преставлении / церковных твоих чад не остав-
ляй, но посещай / и, Святей Троице со архиереи
предсто́я, / моли спасти вся, / честно́е твое прене-
сение любовью почитающия, Иларионе пре-
хвальне.

Стих: Священницы Твои облекутся в правду, /
и преподобнии Твои возрадуются.

Тезоименитаго ра́ди твоего жити́я, / и сладо-
сти язы́ка, / и разсуждения доброразсуднаго, /
пастыря тя лю́дем дѣбре вручает Христос, / Его-
же моли спасти и ущѣдрити вся, / пресветлую
память твою празднующия, / Иларионе пресла́в-
не, молитвенниче о душа́х наших.

Стих: Восхва́лятся преподобнии во славе / и
возрадуются на лѣжах своих.

Днесь преславно, святителю, / от своих ко
своим же чѣстно преходиши, / да своим шествием
вся освятѣши / и радостию напѣлниши / память
твою любовью празднующия / и честно́е прохож-
дѣние твоѣ верно сла́влящия, / и прилежно
вопиющия: / моли́, мо́лимся, спастися душамъ
нашим.

Слава, глас 8:

Град освят́ся, наро́ди благослови́шася, / Цер-
ковь первородных дѣухом ликовству́ет / в пренесе-

ние честных твоих мощей, иерарше Иларионе, / с людьми зовущи: / ты моя крепость и утверждение, / ты моя доброта, и тобою хвалюся, / молися спасти вся, / любовью всемирное твое пренесение присно славящая.

И ныне, Богородичен по гласу.

Тропарь, глас 3:

Чудо явился извещения, / дела возсиял еси добродетелей Божиих, / монашествующих лики упасл еси, / архиерейская седалища изчисти еси, / еретического же нападания не усумневался, / церкви Христовы воздвигл еси, / преподобне Иларионе, / умер, яко спя, / тело же твое цело и нетленно соблюдено бысть, / и подаёт цельбы болящим от различных недугов, / и демоны прогоняет, / сего ради молим тя: / моли спастися душам нашим.

НА УТРЕНИ

По 1-м стихословии седален, глас 4:

Богу освятил еси твою жизнь, всеблаженне, / быв изряден священнодейственник воистинну Христов, священне. / Темже по многих потех и болезнях, / радуясь, к невещественным представился еси селением, / ныне источаеши нам струи исцелений.

Богородичен:

Деве Всенепорочная, Пресущнаго Бога рождающая, / со Безплотными Того непрестанно моли / оставление прегрешений и исправление жития дати нам прежде конца, / верую и любовью поющим Тя по долгу, / Единая Всепетая.

По 2-м стихословии седален, глас 8:

Слезными струями страстей възгнания неуставная потопил еси, / причина бысть долготерпения, преподобне, / к тишине ведый долготерпения.

Богородичен:

Паче естества и слова, Владычице, / всех Питателя родила еси / и питаеши от сосцү Твоею, / во время готовяща трапезу, / Егоже прилежно, Пречистая, о нас моли.

По полиелеи седален, глас 8:

Великим добродетелем поревновал еси, Иларионе, / сим последуя, воздержанием, преподобне, верховен явился еси / и стадо воображенное по ты воздержательными упасл еси, / углие врага неверия стрелами словес погасил еси / и еретическая шатания.

Слава, и ныне, Богородичен:

О Тебе радуется, Благодатная, всякая тварь, / Ангельский собор и человеческий род. / Освященный храм и раю словесный, / девственная похвало, из Неяже Бог воплотился / и Младенец бысть, прежде век Сый Бог наш, / ложесна бо Твоя Престол сотвори и чрево Твое пространнее небес содела. / О Тебе радуется, Благодатная, всякая тварь, слава Тебе.

Степенна, 1-й антифон 4-го гласа. Прокимен: Честна пред Господем смерть преподобных Его. Стих: Что воздам Господеви о всех, яже воздаде ми. Евангелие от Иоанна, зачало 36. Псалом 50. Стихира, глас 2:

От юности, отче, имея совершенную мудрость / и, возложив на ся иго Христово, / житию поревновал еси святых отец, / равными мерилы добродетели подбояся, / усущил еси плоть, скачущу, яко жребца, / яко должно бе, души покорил еси, / постное течение совершити, блаженне отче, / память твою совершающим / проси очищения грехов и велия милости.

Канон Богородицы со ирмосом на 6. И святого на 8, егоже краегранесие: Внимай о червленых словесех. Глас 4.

Песнь 1

Ирмос: Отверзу уста моя / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуяся, Той чудеса.

Повелением Владыки твоего подбояся, иерарше, / кроток и смирен, Иларионе, был еси / и отсюда ублажаемых чину быти сподобился еси. / Темже днесь преславное твое пренесение почитаем.

Благочестиваго корене пресветлая преславно прозябе отрасль, архиерее Иларионе, / в добродетели совершенно пожив / и сосуд чист Духа Святаго, отче, был еси.

**Ядовитых страстей возгорания, лечбою по-
стничества обложен, / изсушил еси, присносло-
вый.**

Богородичен:

**Возсия Солнце из Тебе, Мати Приснодево, /
Иже от Отца прежде век Невидимый / и, видим
преславно, описуется телесем, / благочестия све-
том человеки просвети.**

Катавасия: Отверзу уста моя:

Песнь 3

**Ирмос: Твоя песнословцы, Богородице, / живой и неза-
вистый источниче, / лик себе совокупльшия, духовно
утверди, / в Божественной Твоей славе, / венцев славы
сподоби.**

**Благословением твоим вся возмогл еси, укреп-
ляющу Христу тя, отче, / оляденевшия иногда
людей бразды душевныя, / премудрыми твоими
ученьми, иерарше, очистил еси / и плодоносны
сотворил еси.**

**Фарисейское кичение от юности, отче,
возненавидев, / мытареву же смирению
поревновав, / кроток и смирен, отче, ко всем был
еси, / сего ради тя вси, яко вину и образ благих,
почитаем.**

**Исполни радости и веселия тебе присно,
иерарше Иларионе, любящая / и торжественная
твоему честному пренесению в песнях всегда
поющая.**

Богородичен:

**Тя заступление неблазнено, Богомати,
стяжанием, / надежду на Тя возлагающе,
спасаемся / и, к Тебе прибегающе, сохраняемся.**

Седален, глас 4.

Подобен: Вознесыйся:

**Молитвам и милостыням, архиерее Иларионе,
присно прирадев, / милостив к требующим, отче,
независтен был еси. / Темже тя почитающая от
сопротивных зол избавляй, / да вси твое пренесе-
ние любовь почитаем.**

Слава, и ныне, Богородичен:

**Свет рождши пречестный, от Отца возсияв-
ший прежде век, / просвети, Отроковице, душу
мою и ум, / далече от мене отгонящи тьму**

страстѣй, / да Тя ублажаю, Присноблаженную,
верных упование.

Песнь 4

Ирмос: Седѣй в славе на Престоле Божества, / во облаце лёгце / прииде Иисус Пребожественный / нетленною дланію и спасе зовущія: / слава, Христе, силе Твоей.

Епископа тя Меглінская страна преславно, архиерее Иларионе, стяжавши, / тобою красуется с князи и архиереи, / и со всенародным множеством Христа воспеваает, / сим присно тебе даровавшаго.

Всея Меглінския земли первопрестольник, архиерее Иларионе, был еси / и вся твоим учением просветил еси. / Тем память твою почитаем и, пренесение твое почитающе, вопием: / моли о всех поющих тя.

Принес дар Богу — тобою множество спасаемых, / твоему учению присно последующих / и Христа во хвалении воспевающих, / тебе всем даровавшаго.

Богородичен:

Крепкое Тя оружие на враги предлагаем / и скорбей всяких, и лютых обстояний отреваем вред, / и еретическаго возмущения избегаем, / Мати Божия.

Песнь 5

Ирмос: Ужасóшася всяческая / о Божественней славе Твоей, / Ты бо, Неискусобрачная Дево, / имела еси во утробе над всеми Бога / и родила еси Безлётнаго Сына, / всем воспевающим Тя / мир подавающая.

Многогрешнаго, нерадением издѣвшаго житиѣ, не возгнушайся, архиерее, / но твоими молитвами очисти, / твое пренесение песньми трудолюбно славяща.

Пахомія Ангельскому видѣнію сподобльшася, / сего правилу навѣк, / многажды без сна в молитве всю ночь пребыл еси, / отонудуже сподобился еси Гóрняго званія.

Смирѣн нрав и высоко, еже по Богу, житиѣ стяжал еси, иерарше. / Темже Всевидящее Око, / виде твоѣе доброе произволеніе, / славна ты всем концем показа, Христос Спас наш.

Богородичен:

Едину Тя, Всенепорочная, от родѡв Пречистую обрѣт,/ вселися в Тя и человеки обожї,/ темже, яко матернее дерзновение к Нему стяжавши,/ моли о иже верою Богородицу имеющих Тя.

Песнь 6

Ирмос: Божественное сіе и всечестное / совершающе прѣзднество, / Богомудрии, Богоматере, / приидіте руками восплѣщим, / от Нея рождагося Бога славим.

На смирение нас свѣше мїлостивно назирѧя, / верно тебе присно славящих, / молися всякия скѡрби избѧвити, / тебе, тѣпла предстателя к Богу, стяжавших.

Селение явился еси прекрасное Духа Святаго, / Богодухновенными ученьми твоими обильно питая словесная твоя чада, / отонѣдуже по преставлении спребывѧеши любящим тя, иерарше.

Возсияв, яко фїникс, / процвел еси в Церкви, всеблаженне Богомудре, / плодов сладостию верныя веселяя.

Богородичен:

Неискусомужная Дево родилѧ еси и пребываеши Дева, / являеши Истиннаго Божества, / Сына и Бога Твоего, образы.

Кондак, глас 3.

Подобен: Дева днесь:

Яко светоносна явися, архиерее, память твоя, / тьму разрушї унынія и свет облистѧ дарѡв Небесных, / вся созывающї на радость, / от Бога бо, Иларионе, благодать обрѣл еси / и монахов был еси степень.

Икос:

От юности Божественное твое житїе, иерарше, дѡбре исправив / и внимательным ѡком всегда к вышним зря и тамошних непрестанно желая, / отнюдуже, великия ради добродетели и премѣдрости язѣка, архиерейства сѧном украшен быв, / Церковь и люди твоими учении обогатїл еси. / Темже, течение благочестно совершив, / к Богу преславно дѣхом прешел еси, / нам честныя мощи в память оставив. / Ихже ныне

честное пренесение празднующе, / молимся победительная на враги верным людем даровати, / яко да в тишине Богоугодно поживше, / тебе радостною душою благодарно воспоём, глаголюще: / радуйся, отче Иларионе, / архиереев всея Российския земли удобрение и монахов был еси степенъ.

Песнь 7

Ирмос: Не послужиша твари Богомудрии, / паче Создавшаго, / но, огненное прещение мужески поправше, / радовахуся, поюще: / препетый отцев Господь и Бог, благословен еси.

Свыше от Бога дар тезоименитый граду и всей земли дан бысть, архиерее Иларионе, / удивляя учением вся, Христу вопиющия: / препетый отцев Господь и Бог, благословен еси.

Архиереев пресветлая доброта, отче, пребыл еси / и Христовы Церкви столп и утверждение, / темже поминай честное твое пренесение славящая, преславне.

Крестом знаменуяся Христовым, пребыл еси неврежден, / суетно покусившуся демонскому сверепству на тя, Богомудре: / весть бо Вышний Бог соблюдать угодники Своя.

Богородичен:

Облак Дева Тя, правды Солнце, роди, / дебелству плоти приобщившася, Человека бывша за благоутробие и снисхождение: / Егоже поим, яко препрославлена.

Песнь 8

Ирмос: Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте дела / и превозносите Его во вся веки.

Божественное пребывание Святаго Духа, отче, был еси, / темже и в житий сем, яко вне мира быв, к тамошним рачение имея. / Темже и вся научил еси Христу вопити: / дети, благословите, священницы, пойте и превозносите Его во веки.

По Бозе заступника тя превелика, архиерее, духовная твоя чада стяжавше, / всякия сопротивныя вещи тобою да избавимся / и, в тишине поживше, Христу воспоим: / благословите вся дела Господня, Господа.

Колесница тайнственная, носящи Имя Господне, явился еси, святителю, / светлостью дел, и чудес явлением, и чистотою жития, взывая: / священницы, пойте и превозносите Его во веки.

Богородичен:

Миро умное истощенное, Пречистая Дево, именуема Сына родила еси, / благовонием Божества всю землю благовонствующа и от тли избавляюща поющия: / священницы, пойте и превозносите Его во веки.

Песнь 9

Ирмос: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная / Богородице, Чистая Приснодево.

Светлый священный праздник преставления твоего, архиерее Иларионе, / светлее же пренесение твое, / егоже славяще, тебе величаем.

Источник благочестия явился еси, архиерее, / церковная твоя чада напояши, / тем, сошедшеся благочестно во священное твое пренесение, любовью тя почитаем.

Святых жилища проходи сподобился еси, житие совершив, преподобне, свято, / яко сущи ти праведну, / тебе пресветлый возсия Свет и того сопруг, веселие приял еси.

Богородичен:

Плотию из Тебе, Всенепорочная, одеваяся / и в мире яко Человек пожив, / древле вся мучащаго Божественною силою низложит.

Светилен.

Подобен: Жены, услышите:

Архиерее Иларионе, воистину тезоимените, / достойно звание от дел приим, / данный тебе талант добре умножив / и внутрь Чертога быв, / идеже со священными живёши, / помяни твое пренесение славыяща.

Богородичен:

Призри, Чистая, на достояние Твое / и непобедимо сие соблюди заступлением, / Церковь сохрани и утверди, языки укроти, / излей мир в концы мира.

На хвалитех стихиры на 4, глас 4.

Подобен: Дал еси знамение:

Жити́е нескверно, / терпение, кротость и любовь нелицемерну, / воздержание безмерное, всеобщее стояние, / умиление Божественное, / веру и надежду истинну, с милованием, отче, стяжав, / яко Ангел, пожил еси на земли с телом, Иларионе блаженне, / молитвенниче о душах наших.

Земный Ангел, Небесный человек / был еси, святителю, / источник умиления, пучина чудес, грешником поручник, / маслина воистину Божия плодовита, / елеем трудов твоих умасти лице, Иларионе чудне, / верно восхваляющим тя.

Умертвил еси Божественными разумением плоть, / телесных страстей превыше был еси, / смешен с дольными, / начертание изображая в себе Божественная доброты, / познан был еси весь световиден действием Святаго Духа, / Иларионе отче наш, монашествующих украшение.

Слава, глас 6:

Еще от юна возраста / Богу освящен был еси, архиерее, / мудрости рачителю, / темже потщался еси тленными вечноющая стяжати, / воздержания бродями себе обложив, / плоть духу повинул еси, / темже и по честном твоём преставлении, / совокупляясь с Небесными ликостоянии, / ихже житию во плоти поревновал еси: / Христа, Емуже от юности послужил еси, моли спастися всем, / честное твое пренесение присно славящим песньми.

И ныне, Богородичен: Богородице, Ты еси лоза:

Славословие великое. И отпуст.
На Литургии служба святительская.

**В
ТОЙЖЕ
ДЕНЬ**



**Преподобнаго Илариона схимника,
в Дальних пещерах почивающаго**

Тропарь, глас 1:

Воистину достойне наречен был еси Иларион, / тихостен бо и кроток нрав по имени

твоему имел еси, блаженне, / имже кроткому Господу Иисусу благоугодив, / молися Ему о нас рабѣх твоих.

Кондак, глас 2:

Великий Ангельский образ иноческаго чина святую схиму яко прием, / и второе отрицание суетнаго мира сего яко сотворь, / тщался еси всеми образы, преподобне Иларионе, / обеща́ние делом исполнити / и образу святому прилично пожити, / тем ты чтим и ублажаем.



В
ТОЙЖЕ
ДЕНЬ

**Преподобнаго отца нашего Илариона Гдовскаго,
Псковоезерскаго**

Тропарь, глас 4:

В молитвах бодрствуя, / пресветлый храм Духа Святаго был еси, / темже и чудотворец предивный явился еси, / преподобне отче наш Иларионе. / О нас моли Христа Бога / светом Божественнаго познания просветити ны / и спасти души наша.

